

## CYNGOR CYMUNED Y FELINHELI

Cofnodion Cyfarfod 14 Hydref 2014 a gynhaliwyd yn y Neuadd Goffa, Y Felinheli am 7 yn yr hwyr.		
<b>YN BRESENNOL</b>		
Ken Brown (KB)	Daniel Williams (DW)	
Lena Ashley (LA)	Louise Hughes (LH)	
Iestyn Harris (IH)	Siân Gwenllïan (SG)	
Sarah Riley (SR)	Mair Bebb Jones (MBJ)	
George Smith (GS)		
Wynne Barton - Swyddog Ariannol		
<b>1.0</b>	<b>SYLWADAU AGORIADOL AC ADRODDIAD Y CADEIRYDD</b>	
1.1	Croesawodd y Cadeirydd yr aelodau i gyfarfod mis Hydref.  <b>Ymddiheuriadau:</b> Gwyneth Williams, Pat Jones.	
<b>2.0</b>	<b>DATGAN DIDDORDEB</b>	
2.1	Derbyniwyd ffurflen datgan diddordeb gan Siân Gwenllïan ar gyfer eitemau 9.2, 9.4 a 9.5 a Daniel Williams ar eitem 9.6.	
<b>3.0</b>	<b>COFNODION</b>	
3.1	Cyflwynwyd cofnodion cyfarfod mis Medi. Cynigwyd bod eitem 4.1 yn cael ei newid i adlewyrchu bod bod y Cynghorydd Nerys John wedi rhoi'r Adroddiad ar yr Arolwg Tai gyda'i gilydd o'r canlyniadau a bod Miss Ashley wedi datgan bod fwy o fanylion diddorol a'r gael o fewn y canlyniadau. Newidiwyd hefyd eitem 13 i ddatgan bod y Cynghorydd Siân Gwenllïan wedi ymddiheuro. <b>Derbyniwyd fel rhai cywir a'u harwyddo.</b>	<b>CLERC</b>
<b>4.0</b>	<b>MATERION YN CODI</b>	
4.1	<b>Allotments</b> – Roedd George Smith am i'r aelodau ystyried allu cyflwyno rhandiroedd (allotments) ar y cae islaw'r Ganolfan Iechyd.	
4.2	<b>Llwybr yr Arfordir</b> - fel gwybodaeth ddiweddaraf ynglŷn â'r mater hwn dywedwyd bod Cyngor Gwynedd ym mhwyllgor Cynllunio wedi penderfynu anfon ymlaen at yr Arolygiaeth Cynllunio iddynt symud ymlaen i gyflwyno'r llwybr.	
4.3	<b>Storfa Garddfon</b> -Adroddwyd fod cyfarfod wedi bod ar y safle rhwng y Bragdy, Cynghorydd Sir Siân Gwenllïan, Cynghorwyr Cymunedol Daniel Williams a George Smith. Rhoddwyd crynodeb o'r hyn drafodwyd gan y Cynghorydd Daniel Williams. Mae'r mater bellach o dan ystyriaeth gan y Bragdy.	
4.4	<b>Cynhadledd Unllais</b> - Cyflwynodd y Cynghorydd Mair Bebb-Jones adroddiad byr ar gynnig y Cyngor Cymuned i'r Gynhadledd yn Llanfair y Muallt. Diolchodd y Cadeirydd a'i llongyfarch hi ar lwyddiant y cynnig.	
<b>5.0</b>	<b>ADRODDIAD IS-BWYLLGOR RHEOLI'R NEUADD</b>	
5.1	Fe gyflwynwyd y wybodaeth ddiweddaraf ynglŷn â'r mater Diogelwch Tân a Larwm Tân y Neuadd.	

## CYNGOR CYMUNED Y FELINHELI

5.2	<p>Roedd mater ynglŷn â llawr y neuadd yn derbyn sylw. Gobeithir cynnal ymweliad safle rhwng y pensaer a'r adeiladwr yn fuan.</p> <p>Roddodd y Cynghorydd Daniel Williams adroddiad ar yr achlysur yn Nhrawsfynydd yn ddiweddar a'r syniad o farchnata'r neuadd ar y cyd gyda neuaddau chynghorau cymuned eraill. Roedd wedi gwneud cysylltiadau buddiol a Chanolfan Pennal a Neuadd Dyfi. Yn anffodus oherwydd anawsterau parcio'r neuadd Goffa roedd yn anodd iawn i farchnata'r neuadd ar gyfer pob math o achlysuron fel cynadleddau a chynnal priodasau. Roedd hefyd wedi gwneud cysylltiadau gyda Delyth Fôn er mwyn gweld pa fathau o gynhorthwy ariannol fyddai ar gael.</p>	
5.3	<p>Mae angen bocs cymorth cyntaf yn y gegin sydd wedi ei leoli yn yr islawr.</p>	<b>DW</b>
5.4	<p>Adroddwyd bod dau fath o dap ar gael i farcio'r cwrt badminton. Roedd un math yn gostus iawn tra roedd y llall gyda phris rhesymol. Cynigwyd ac eiliwyd bod y tap pris rhesymol yn cael ei archebu a'i osod. Cytunwyd yr aelodau i symud ymlaen a hyn.</p>	<b>DW</b>
5.5	<p>Roedd rhai "fingerguards" ar rai o'r drysau wedi torri, dywedodd y Cynghorydd Daniel Williams ei fod wedi bod mewn cysylltiad â'r cwmni a'u bod yn barod i anfon rhai i wasanaeth y Neuadd yn rhad ag am ddim.</p>	<b>DW</b>
5.6	<p>Roedd y Clwb hwylio yn barod i osod bwrdd hysbysebu yn y cyntedd ar gyfer y neuadd.</p>	
5.7	<p>Mae rhai o eitemau trydanol y neuadd angen eu profi (PAT). Cynigwyd bod y Clerc yn cael gafael ar Emyr Williams sydd yn gwneud y math yma o waith.</p>	<b>CLERC</b>
5.8	<p>Mae angen arwydd drws tân ar ddrws olaf islawr y neuadd.</p>	<b>KB</b>
5.9	<p>Mae golau tu allan i'r neuadd angen sylw trydanwr.</p>	
5.10	<p>Dywedodd y Cynghorydd Ken Brown bod dim wedi ei wneud ar gyfer codi lechan i ddatgan cwblhau adnewyddu'r neuadd. Cynghorydd Iestyn Harris,</p>	<b>IH/DW</b>
5.11	<p>Ken Brown a Daniel Williams i edrych i mewn i hyn. Mae angen hysbysfwrdd ar gyfer tu allan i'r neuadd hefydd - dywedodd y Clerc byddai yn gwneud ymholiadau a Chyngor Cymuned Llanberis sydd wedi gosod rhai yn ddiweddar.</p>	<b>CLERC</b>
<b>6.0</b>	<b>CADARNHAU GWARIANT MIS BLAENOROL A'R ADRODDIAD ARIANNOL</b>	
6.1	Cadarnhawyd gwariant mis Medi.	
6.2	Cynnig Ariannol Kronos - Rhoddwyd adroddiad ynglŷn â chynnig Kronos i'r Cyngor ynghyd a'r cynnig i Gyngor Tref Gaernarfon. Cynigodd y Cynghorydd Nerys John bod y Cyngor yn aros hyd	

## CYNGOR CYMUNED Y FELINHELI

	nes cael gwybod beth yw penderfyniad Tref Gaernarfon cyn derbyn unrhyw gynrig, cynigiodd y Cynghorydd Iestyn Harris welliant i hyn a bod ni'r cyngor yn gofyn a oes modd i'r cwmni noddi achlysur/fenter o fewn y gymuned wedi cyfnod y rhodd cymunedol ddod i ben. Penderfynwyd aros nes bydd newydd a'r penderfyniad Cyngor Tref Gaernarfon wedi dod i law.	<b>CLERC</b>
6.3	Roedd yr is-bwyllgor cyflogau wedi cael gwybodaeth ynglŷn â dyfarniad cyflogau i glercod. Penderfynwyd ar gyflog y ddau glerc a byddai'r addaliad yn cael ei ddangos yng nghyflog y mis canlynol.	
<b>7.0</b>	<b>GOHEBIAETH</b>	
<b>8.0</b>	<b>ADRODDIAD Y CLOC</b>	
8.1	Rhoddodd y Clerc adroddiad ynglŷn ag adroddiad Peter Wray ar y cloc. Roedd y Cyngor yn unfrydol i symud ymlaen a'r gwaith. Dywedodd y Cynghorydd Daniel fyddai gwell symud ymlaen a'r gwaith trydan cyn gynted ac mae modd. Y Clerc i gysylltu â Peter Wray.	<b>CLERC</b>
8.2	Sul y Cofio - mae angen gwahardd Traffig ar Stryd Fangor ar gyfer y gwasanaeth coffa. Y Clerc i gysylltu â'r Heddlu.	<b>CLERC</b>
<b>9.0</b>	<b>CEISIADAU CYNLLUNIO</b>	
9.1	Trosi Storfa/Swyddfafa bresennol i uned gwyliau - Parciau Farm Griffiths Crossing LL55 1TS. - <b>DIM GWRTHWYNEBIAD</b>	
9.2	Dymchwel rhan o a throsi tŷ tafarn i greu 4 uned byw ynghyd a chodi 8 tŷ newydd i greu cyfanswm o 12 uned byw ar y safle (4 i fod yn fforddiadwy), creu llecynnau parcio a mynedfa gerbydlon ac i gerddwyr - Halfway House, Y Felinheli LL56 4JQ - <b>YSTYRIED Y CAIS MEWN CYFARFOD ARBENNIG</b>	
9.3	Cais olweithredol i newid defnydd rhan o adeilad i ddefnydd masnachol trwy werthu cynyrchiadau cig i'r cyhoedd. - Pant Erys Beach Road, Y Felinheli LL56 4RQ - <b>DIM GWRTHWYNEBIAD</b>	
9.4	Darparu estyniad to ar ffurf ffenestr gromen, darparu balcony uwchben to fflat presennol a chodi canopiâu agored ar flaen a chefn yr adeilad - 24 Augusta Place, Y Felinheli LL56 4HJ.- <b>DIM GWRTHWYNEBIAD</b>	
9.5	27 Brynffynnon y Felinheli LL56 4SX - <b>GWRTHWYNEBU</b>	
9.6	Cais ol -weithredol ar gyfer codi adeiladau a gosod cyfarar yn ymwneud a'r Parc Greenwood sy'n cynnwys ystafell haul, gweithdy, ardal marchogi mul, cyfarpar chwarae "wildweb", cyfarpar "sipadeedoodah, storfa goed, pentref madrach, llwybr allwybr pren a chwt adar - Greewood	

## CYNGOR CYMUNED Y FELINHELI

	Forest Park Y Felinheli Gwynedd LL56 4QN – <b>DIM GWRTHWYNEBIAD.</b>	
<b>10.0</b>	<b>ADRODDIAD IS BWYLLGOR Y FYNWENT</b>	
10.1	Mae Mainc Coffa'r diweddar Pat White wedi ei chwblhau bellach mae angen symud y bag pridd o'i leoliad o fewn y fynwent er mwyn gallu gosod y fainc.	
<b>11.0</b>	<b>ADRODDIAD IS-BWYLLGOR MAES PARCIO, LON LAS A SAFLE MORIAH</b>	
11.1	Diolchodd y Cadeirydd i Sarah, Siân, Nia, Leah, Dave a Yasmin ar eu gwaith a'r lafant.	
11.2	<b>Bolard Maes Parcio</b> – Dim i adrodd gobeithio diweddarau'r sefyllfa mis nesaf.	
11.3	<b>Problemau Parcio</b> - Adroddwyd bod problemau parcio ger y goleuadau parcio yn achosi trafferthion i wasanaethau bysiau - Y Clerc i gysylltu â'r adran Draffig.	<b>CLERC</b>
<b>12.0</b>	<b>ADRODDIAD LLWYBRAU CYHOEDDUS, CYSGODFANAU A MEINCIAU</b>	
12.1	Mae cyflwr y cysgodfanau bysiau i gydag yn foddhaol..	
12.2	Mae gordyfiant ar lwybrau ger y ffordd osgoi byth heb dderbyn sylw - y Clerc i gysylltu â Swyddog Cefnffyrdd ar y mater.	<b>CLERC</b>
12.3	Mae Allan Bowers (Tregwylan) wedi gofyn am cyfarfod a rhai aelodau'r Cyngor ar gyfer ystyried rhan o Lwybr i fewn i Hen Gei Llechi ger y Garddfon. Gobeithir cynnal cyfarfod ar y safle yn fuan.	
<b>13.0</b>	<b>ADRODDIAD Y CYNGHORYDD SIR</b>	
	Gweler atodiad A.	
<b>14.0</b>	<b>CYNLLUN LLIFOGYDD CYMUNEDOL</b>	
14.1	Cynllun stepiau ger y Clwb Hwyllo - Nid oedd y Cyngorydd Daniel Williams a'r Cyngorydd Ken Brown yn cytuno gyda'r cynllun arfaethedig oherwydd nid oedd yn gwneud synnwyr a byddai yn achosi risgiau drwy wahodd plant i ddringo'r cerrig. Y Clerc i gysylltu a Swyddog y Prosiect er mwyn rhoi gwybodaeth cysylltu y Cyngorydd Daniel Williams a'r Cyngorydd Ken Brown iddo.	<b>CLERC</b>
	Daeth y cyfarfod i ben am oddeutu 10:00 yn yr hwyr.	
Llofnod:		Dyddiad:

**Adroddiad Cynghorydd Sian Gwenllian Hydref 2014**

**Parcio:** mae'r problemau yn parhau yng nghanol y pentref. Bydd y Cyngor Cymuned yn trafod hyn yn eu cyfarfod nesaf.

**Goleuadau traffig Ffordd Caernarfon:** Rwyf wedi holi Cyngor Gwynedd pryd bydd y gwaith yma wedi gorffen. Mae problemau efo craciau yn y pafin.

**Cynllun Llifogydd ger y Clwb Hwyllo/Cae chwarae plant:** cafwyd cynllun gan Gyngor Gwynedd i atal dwr o'r Fenai rhag gor-lifo mewn stormydd. Bydd hwn yn cael ei drafod yn y Cyngor Cymuned nesaf.

**Arogl drwg o'r Orsaf Bwmpio:** dywed Dwr Cymru fod gwaith wedi ei wneud yn ddiweddar i gael gwared a'r broblem. Os fydd y problem yn codi eto, ffoniwch Gillian Roberts yn y Bwrdd Dwr 07920 233114

**Cais Cynllunio Parc Ynni Haul, Parcia:** pasiwyd y cais gan Gyngor Gwynedd. Mae rhywfaint o arian 'budd cymunedol' ar gynnig ac rwyf yn trafod hyn efo'r cwmni ac efo Cyngor Tref Caernarfon ar hyn o bryd.

**Llwybr yr Arfordir** drwy'r marina a Faenol: Mae'r Pwyllgor Cynllunio wedi pasio yn unfrydol i symud i'r cam nesaf ar ôl i mi gefnogi'r adroddiad yn y cyfarfod. Bydd yr holl fater yn cael ei benderfynu gan Arolygydd Cynllunio.

**Half Way:** Mae Cyngor Gwynedd wedi derbyn cais cynllunio ar gyfer 12 tŷ ar y safle. Rwyf wedi trefnu cyfarfod efo swyddogion cynllunio i drafod. Mae grŵp yn y pentref yn edrych ar pa opsiynau eraill sydd ar gyfer y safle. Rhif cais: C14/0888/20/LL.

**Hen Gei Llechi:** Mae rhai o'r 'barriers' wedi cael eu symud ond mae'r Cyngor yn dweud fod rhaid cadw rhai er y byddan nhw yn cael eu symud i'r ochr i ffwrdd o'r ffordd ei hun. Mae cyfnod monitro stepiau Cei wedi ei ymestyn am nad yw'r Cyngor yn hapus fod yr ardal yn saff i'r cyhoedd oherwydd y crac yn y wal.

**Ymgyrch Dim Peilonau:** Cafodd cynnig gan y Cyngor Cymuned ei basio yn unfrydol yng nghynhadledd Unllais Cymru ar Hydref 4. Diolch i'r Cynghorydd Mair Bebb Jones am siarad yn wych yn y cyfarfod ac i Gyngor Bro Llanfairpwll am eilio. Mae'r Aelod Seneddol a minnau yn pwysu am opsiwn ceblau tan y mor ac am fwy o wybodaeth gan y Grid Cenedlaethol.

**Cynllun Mapio Hanes Y Felinheli : Taith Gerdded, Gwener 24 Hydref Gelli Gyffwrdd i Penscoins (cychwyn am 10 y bore) Bore Coffi, Mercher Tachwedd 5, Felin Sgwrsio (10.30);** Mae hyn yn rhan o waith y Cyngor Cymuned/Felin Sgwrsio i greu map a thaflen yn dangos llwybrau, teithiau a mannau hanesyddol yn Y Felinheli. Cawsom grant o £4,000. Os hoffech wybod mwy, galwch heibio'r Felin Sgwrsio ar ddydd Mercher (10-4) tan Dolig am sgwrs efo cyd-lynnydd y prosiect Gareth Roberts. ( rhif ffon Gareth 01286 872014) Bydd Gareth yn ymweld a'r ysgol a bydd arddangosfeydd yn cael eu cynnal.

**Bore Coffi Mwya'r Byd (Macmillan) :** llwyddwyd i godi £843.43. Bore coffi = £396.38. Rhoddion er cof am y diweddar Sian Ifor White = £447.05 Diolch i bawb

**Capel Bethania:** Mae'r gweinidog y Pacrh Eric Jones yn ymddeol. Bydd y gwasanaeth olaf ym Methania ar Sul, Hydref 12. Dymunwn yn dda i Eric gan ddiolch yn gynnes iddo am ei wasanaeth o dros 14 mlynedd.

**Gwefan:** Mae gwefan [www.felinheli.org](http://www.felinheli.org) yn parhau i fod yn boblogaidd efo 58,802 hits ym mis Medi. Cofiwch anfon eich lluniau a newyddion am ddigwyddiadau i [post@felinheli.org](mailto:post@felinheli.org). Mae gwybodaeth yma am gyfarfodydd a digwyddiadau.

**Be sy mlaen yn Felin? Rhai o'r digwyddiadau rheolaidd.**

**Felin Gylchu: Gwener a Sadwrn**

**Felin Sgwrsio:**

Dewch i Ganu (Llun 2 p.m.)  
Dysgu Cymraeg (Mawrth 8.45-10.30)  
Yoga Cadair (Mawrth 11.15)  
Prosiect Hanes Felinheli ( 10 – 4 Mercher)  
Sgwrs a phaned ( Iau 10)  
Clwb Arlunio ( Iau 2.30-4.30)  
Clonc a Chyngor ( Gwener 10.30-11.30)  
Cawl, Cymraeg a chroeso ( 12.30 Gwener)  
Brecwast y Dysgwyr ( Sadwrn 9.30-10.30 )

**Neuadd Goffa:** mae llawer yn digwydd yma hefyd gan gynnwys:

Bowlio: Llun a Iau am 1 (01286 673950)  
Badminton : nos Lun  
Clwb Ieuenctid: pob nos Fawrth (7 – 9) ,  
Keep Fit: Mercher a Gwener 7 – 7.30 (07443572998)  
Brownies a Guides  
Manylion gan Gadeirydd y Cyngor Cymuned, Ken Brown sydd ar gael ar  
[kennethbrown445@btinternet.com](mailto:kennethbrown445@btinternet.com) ; 07831400139.

**Cymdeithas Heli'r Heulyn 2014/15 (cyfarfod yng Nghapel Bethania am 7.30)**

**Hydref 9 : Noson yng Nghwmni Geraint Lovgreen**

**Tachwedd 13: Y Sw, efo Tudor Owen**

**Ionawr 8: Hanes Llwyau Caru: Wyn Davies**

**Chwefror 12: Yncl Tom yn y Rhyfel Mawr ( Hywel Roberts)**